



BOSNIA AND HERZEGOVINA
MINISTRY OF FINANCE
AND TREASURY

Broj: 05-02-2-3013-1/15
Sarajevo, 01.04.2015. godine

SVIM BUDŽETSKIM KORISNICIMA

**Predmet: Instrukcija za sačinjavanje operativnih/dinamičkih planova
budžetskih korisnika u skladu sa Odlukom o privremenom
finansiranju institucija BiH za period april - juni 2015. godine**

Na osnovu člana 11. Zakona o finansiranju institucija Bosne i Hercegovine („Službeni glasnik BiH“, br. 61/04, 49/09, 42/12, 87/12 i 32/13), Vijeće ministara Bosne i Hercegovine, na 27. sjednici održanoj 25.03.2014. godine, donijelo je Odluku o privremenom finansiranju institucija BiH za period april - juni 2015. godine.

Shodno navedenoj Odluci, a u cilju održavanja budžetske ravnoteže, svi budžetski korisnici dužni su Ministarstvu finansija i trezora BiH, **najkasnije do 15.04.2015. godine** dostaviti prijedloge operativnih/dinamičkih planova za april, maj i juni 2015. godine za tekuće izdatke (bez programa posebnih namjena finansiranih iz namjenskih sredstava i kapitalnih izdataka). Ukupan iznos operativnih budžeta za drugi kvartal 2015. godine u pravilu iznosi do 1/4 sredstava odobrenih Zakonom o budžetu institucija BiH i međunarodnih obaveza BiH za 2014. godinu („Službeni glasnik BiH“, br. 104/13 i 60/14). Izuzetno od prethodno navedenog, a u skladu sa članom 3. stav (1) Odluke o privremenom finansiranju institucija BiH za period april - juni 2015. godine, iznos sredstava veći od 1/4 godišnjeg budžeta iz 2014. godine odobrit će se institucijama koje moraju izmiriti fiksne troškove po već stvorenim obavezama (plaće, naknade, zakup i sl.).

U skladu sa članom 11. stav (3) Zakona o finansiranju institucija BiH, budžetski korisnici ne mogu započinjati nove ili proširene programe i aktivnosti dok se iste ne odobre u Budžetu za 2015. godinu.

Dinamičke planove (tabele) popuniti u skladu sa „Instrukcijom o načinu izrade operativnih planova za izvršenje Budžeta institucija BiH za 2014. godinu i o načinu praćenja programa posebnih namjena“ (www.mft.gov.ba).

Dinamičke planove za Programe posebnih namjena finansiranih iz sredstava donacija i namjenskih sredstava, potrebno je posebno iskazivati i rashode rasporediti po ekonomskim kategorijama, koje će budžetski korisnici dostavljati uz zahtjeve za alokaciju nakon ostvarenih priliva u periodu april – juni 2015. godine. Nerealizovani programi posebnih namjena finansirani iz namjenskih sredstava i nerealizovana sredstva na ime višegodišnjih kapitalnih projekata finansirat će se u skladu sa članom 11. stav (4) Zakona o finansiranju institucija BiH, a do iznosa prenesenih, a neutrošenih namjenskih sredstava u 2015. godinu.

S poštovanjem,

MINISTAR
Vjekoslav Bevanda, s.r.

Prilog:
Tabele 1 – 4